

UGOVOR **o nabavci medicinske opreme za potrebe Zavoda**

zaključen u Sarajevu dana, 10.12. 2020. godine između:

Javna ustanova Zavod za zdravstvenu zaštitu žena i materinstva Kantona Sarajevo,
sa sjedištem u Sarajevu, ulica Josipa Vancaša broj 1,
ID broj: 4200291370008,
Telefon: 033/560-222, Fax: 033/560-224, e-mail: zzzm@bih.net.ba
koju zastupa Mr.sci.med.dr. Enis Hasanović, direktor (u daljem tekstu: Kupac),

i

Naziv ponuđača SONO MEDICAL DOO
sa sjedištem u Sarajevu, ulica Azize Šaćirbegović bb,
ID broj:4200102400007, PDV broj: 200102400007
Telefon: 033/711-550, Fax:033/717-131 e-mail: sono@bih.net.ba
koga zastupa Dr. Igor Kurjak, direktor (u daljem tekstu: Dobavljač)

PREDMET UGOVORA

Član 1.

Predmet ovog ugovora je nabavka i isporuka medicinske opreme za potrebe Zavoda i to:

- isporuka nove-nekorištene jedne (1) ginekološke stolice za pregled pacijentica-električna BLT 1500 sa dva (2) motora, Bugarska, god.proizvodnje 2020;
- instaliranje, puštanje u rad i edukacija osoblja koja će raditi sa medicinskom opremom.
- dva (2) nova-nekorištena kardiokografa-CTG aparata sa sondama za blizance BISTOS BT 350 LED, Koreja, god. proizvodnje 2020.

sa instaliranjem, puštanjem u rad i edukacijom osoblja koja će raditi na navedenoj medicinskoj opremi.

Ponuda Dobavljača za LOT-1 br. 540/20 i LOT-2 br. 541/20 od 27.11.2020. godine, koja je dostavljena u postupku javne nabavke, putem konkurentskog postupka KN 10-07/20 sa E-aukcijom čini sastavni dio ovog Ugovora, sa tim da se zbog obimnosti iste, uz ugovor fizički vežu samo dokumenti iz ponude koji se odnose na osnovne komercijalne i tehničke elemente ugovora.

CIJENA

Član 2.

Cijena koju će Kupac isplatiti Dobavljaču za medicinsku opremu i usluge iz člana 1. Ugovora iznosi:

Cijena za LOT-1 bez PDV-a: 7.500,00 KM;

Cijena za LOT-2 bez PDV-a: 7.300,00 KM;

Porez na dodanu vrijednost (PDV 17%) = 2.516,00 KM;

UKUPNA VRIJEDNOST / CIJENA sa PDV-om = 17.316,00 KM

(slovima: sedamnesthiljadtristošesnestKM).

Paritet: JU Zavod za zdravstvenu zaštitu žena i materinstva Kantona Sarajevo – ul. Josipa Vancaša br. 1, 71000 Sarajevo.

USLOVI I NAČIN PLAĆANJA

Član 3.

Plaćanje će se izvršiti u roku od 30 dana od dana zaprimanja fakture za isporučenu medicinsku opremu, instaliranje, puštanje u rad i edukacija osoblja iz člana 1. ovog Ugovora, koji u svom prilogu obavezno ima potpisanu otpremnicu o kvalitativnom i kvantitativnom primopredaji robe bez primjedbi i Izvještaj o obavljenoj obuci osoblja bez primjedbi koji će raditi na UZ aparatima, sve potpisano od strane ovlaštene osobe koje odredi Ugovorni organ.

Plaćanje se obavlja na žiroračun Dobavljača.

Kupac ne prihvata avansno plaćanje i traženje sredstava osiguranja plaćanja.

Ukupna plaćanja Dobavljaču bez PDV-a na temelju sklopljenog ugovora ne smiju prelaziti procijenjenu vrijednost nabavke.

Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuju Kupca ni onda kada je fakturu primio, a nije joj prigovorio.

ROK ISPORUKE

Član 4.

Rok isporuke medicinske opreme za, kao i pripadajućih usluga iz člana 1. ovog Ugovora je 45 (četrdesetpet) dana, računajući od datuma obostranog potpisivanja ovog ugovora. Pod isporukom se podrazumijevaju sve potrebne radnje koje je Dobavljač dužan obaviti, prema ugovoru i prirodi posla, da bi Kupac mogao primiti isporuku.

Mjesto izvršenja obaveza Dobavljača (isporuke opreme/izvršenja usluga) je:

LOT 1: Lokalitet Zavoda NDC lociran u Domu zdravlja Novi Grad, ul. Bulevar Meše Selimovića 2.

LOT 2:

- Jedan CTG aparat na Lokalitet Zavoda Ilidža lociran u Domu zdravlja Ilidža, ul. Mustafe Pintola 1.

- Jedan CTG aparat na Lokalitet Zavoda Vogošća lociran u Domu zdravlja Vogošća, ul. Igmanska 52.

Obuka osoblja koji će raditi na medicinskoj opremi, obaviti će se na lokalitetima gdje bude raspoređena medicinska oprema.

Kupac se obavezuje isplatiti cijenu i preuzeti isporuku ugovorene opreme onako kako je predviđeno ovim ugovorom. Kupčeva obaveza preuzimanja isporuke općenito se sastoji u obavljanju svih radnji koje se razumno od njega očekuju da bi omogućio Dobavljaču izvršiti isporuku i u preuzimanju opreme.

Do isporuke/predaje opreme Kupcu (do dana obostranog potpisivanja zapisnika o kvalitativnom i kvantitativnom prijemu opreme bez primjedbi) rizik slučajne propasti ili oštećenja opreme snosi Dobavljač, a s isporukom/predajom opreme rizik prelazi na Kupca. Rizik ne prelazi na Kupca ako je isti zbog nekog nedostatka isporučene/predane opreme raskinuo ugovor ili tražio zamjenu opreme.

Dobavljač je dužan da o svom trošku ugovorenu opremu osigura od uobičajenih rizika. Dobavljač vrši osiguranje do momenta prelaska rizika u skladu sa ovim, a Kupac od tog momenta.

ODGOVORNOST ZA MATERIJALNE I PRAVNE NEDOSTATKE

Član 5.

Dobavljač odgovara za materijalne nedostatke stvari / opreme koje je ona imala u času prelaza rizika na Kupca, bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je postojao prije toga. Neznatan materijalni nedostatak ne uzima se u obzir. Šta se podrazumijeva pod neznatnim materijalnim nedostatkom zajednički / komisijski utvrđuju Kupac i Dobavljač. U obavijesti o nedostatku stvari / opreme Kupac je dužan potanje opisati nedostatak i pozvati Dobavljača da pregleda stvar / opremu. Ako obavijest o nedostatku koju je Kupac blagovremeno poslao Dobavljaču preporučenim pismom, telefaksom, e-mailom ili na neki drugi pouzdan način, zakasni ili uopšte ne stigne prodavatelju smatra se da je Kupac izvršio svoju obavezu da obavijesti Dobavljača. Nedostatak postoji ako ugovorena / isporučena oprema / stvar nema svojstva i odlike koje su izričito određene

ovim ugovorom. Dobavljač odgovara i za nedostatke koje je Kupac mogao lako opaziti ako je izjavio da stvar nema nikakve nedostatke ili da stvar ima određena svojstva ili odlike.

GARANTNI ROK

Član 6.

Garantni period na koji se Dobavljač obavezuje u pogledu ugovorene opreme počinje teći od datuma obostranog potpisivanja Zapisnika o kvalitativnom i kvantitativnom prijemu opreme bez primjedbi i Izvještaja o obavljenoj obuci osoblja bez primjedbi koji će raditi na medicinskoj opremi, sve potpisano od strane ovlaštene osobe koje odredi Ugovorni organ. Na osnovu predatog garantnog lista kojim proizvođač opreme garantuje ispravno funkcionisanje iste, Kupac ima pravo, ako oprema ne funkcionise ispravno, zahtijevati kako od Dobavljača tako i od proizvođača da opremu popravi u određenom roku ili, ako to ne učini, da mu mjesto nje isporuči opremu koja funkcionira ispravno. U slučaju manjeg popravka, garantni rok se produžava onoliko koliko je Kupac bio lišen upotrebe opreme / stvari. Međutim, kada je zbog neispravnog funkcionisanja izvršena zamjena stvari ili njezin bitni popravak, garantni rok počinje teći ponovo od zamjene, odnosno vraćanja popravljene stvari / opreme. Ako je zamijenjen ili bitno popravljen samo neki dio opreme / stvari, garantni rok počinje teći ponovo samo za taj dio.

Dobavljač se obavezuje na garantni period od potpisivanja zapisnika o kvantitativnom prijemu opreme bez primjedbi u trajanju od 12 mjeseci.

UGOVORNA KAZNA, ZATEZNA KAMATA

Član 7.

U slučaju kašnjenja u isporuci opreme Kupac će zaračunati i naplatiti Dobavljaču na ime ugovorne kazne iznos od 1 % ukupne vrijednosti opreme čija isporuka kasni za svaki puni dan zakašnjenja počev od prvog dana docnje do maksimalnih 10 %, ukupne vrijednosti / cijene Ugovora.

Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Kupac ne može zahtijevati ugovornu kaznu ako je primio ispunjenje obaveze, a nije bez odlaganja pismeno saopštio Dobavljaču da zadržava svoje pravo na ugovornu kaznu.

Na zakašnjela plaćanja Dobavljač će zaračunavati Kupcu zatezne kamate prema primjenjivom / pozitivnom propisu.

VIŠA SILA

Član 8.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od dva dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i dještvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dještva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglaši kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 15 dana, ugovorne strane će se sporazumijeti o daljnoj sudbini Ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

SERVISNU INTERVENCIJA I REZERVNI DIJELOVI

Član 9.

Dobavljač se obavezuje da će vrijeme odaziva na servisnu intervenciju u garantnom i postgarantnom periodu od poziva Kupca biti u roku od pet sati.

Ukoliko se Dobavljač ne odazove u roku navedenom u stavu (1) ovog člana, Kupac ima pravo da angažuje drugog ovlaštenog servisera, a sve trškove servisa snosit će Dobavljač.

Dobavljač se obavezuje da obezbijedi rezervne dijelove najmanje 7 godina od instaliranja aparata.

STUPANJE UGOVORA NA SNAGU

Član 10.

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

PRIMJENA ZAKONA O OBLIGACIONIM ODNOSIMA

Član 11.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

RJEŠAVANJE SPOROVA

Član 12.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava (1) ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

OSTALE ODREDBE

Član 13.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 14.

Izmjene i dopune ovog ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

Član 15.

Ovaj Ugovor je sačinjen u četiri (4) istovjetna primjeraka od kojih svaka ugovorna strana zadržava po dva (2) primjerka.

Dobavljač:

Sono Medical d.o.o.
Saraievo

Kupac:

Javna ustanova Zavod za zdravstvenu
zaštitu žena i materinstva
Kantona Sarajevo

Dr. Igor Kurjak
direktor

Mr. sci. med. dr. Enis Hasanović
direktor

Broj: 060/20

Broj: 10-2807-01/20

Sarajevo, 14.12.2020

Sarajevo, 10.12.2020

